

Кому Республикаса том войтырлөн газет



ЙОЛДА

2014
коч му
18-өд
лун

15 №
(1140)



Ыдэжыд лун кезжлө
дась!



Тайо НОМЕРЫН

Март төлысьо искусство гимназияса театр юкёнын велдчысьяс ветлісны «Путеводная звезда» фестиваль-конкурс выло. Найо вöліны Санкт-Петербургың, Финляндияын, Швецияын да Эстонияын.

8-9
л.б.

Нельöд во чöж нин Берба лунö юркарса «Изьва керкаын» паныдасьлöны Изьва районаса Кыдзкарысь да Чикаысь петлöм войтыр. 2011 воын Чика грездса том морт Павел Бабиовлы воöма юрас шензьöдана мöвп - чукöртлыны Изьва керкаö ас сиктса войтырöс, кодъяс öнi олöны Сыктывкарын.

12
л.б.

Быдöн мян пиысь төдö, мыйта лёк вайö курыдтор юом да куритчöм. Кытчöдз дзоньвидзалуныдлы оз мörччы, сэтчöдз оз видзöй сийöс. Окота олöдны том йöзöс, мый тайо пеж, рочөн кө шуны, привычкаыс нинöм бурсö оз вай - дзоньвидзалунтö тшыкөдан, да и öт-тшöтшьяслөн син водзын пыди пуктöмтö воштан.

14
л.б.

Локтан шойччан лунö - Ыдждыд лун. Тайо лунö быдöнлы окота мыйöнкö чöсмасьштны. «Йёлöгаса» Дашук вöзйö вöчны чöскыд чери, рыська пирөг да шыд. Сидзкö, пусьöй-пöжасьöй, чöсмасьöй асьныд, а тшöтш и матыссатö корлöй.

16
л.б.



Вам нужна помощь? Поддержка?

Запутались и не знаете, что делать?

Вы остались один на один со своими проблемами?

ДЕТСКИЙ ТЕЛЕФОН ДОВЕРИЯ

8-800-2000-122
звонок по РК с любого телефона бесплатный

Скорая социальная помощь

8(8212) 21-11-66
звонок по РК со стационарного телефона бесплатный

Звони!
Здесь тебя выслушают и помогут!

виртуальный психолог www.komiforum.ru

Шыödчы - вочавидзасны

«Дöверие телефон» республикаса служба уджалö Комиын. Сэтчö пырöны: челядлы отсög сетан дöверие телефон - **8-800-2000-122** (дон босьттөг быд телефонсянь) да «Скорая социальная помощь» - **8(8212)21-11-66** (дон босьттөг стационарнöй телефонсянь).

Челядлы «Дöверие телефонлөн» могыс - отсавны налы, кодъяслы колö психология боксян отсög. Позьö шыödчыны и тыр арлыд-тöмалы, и баты-мамлы. Таны отсаласны бур психологыяс. Найö вочавидзасны уна сикас юалöм вылö - баты-мам да челядь костын олöм, ёртасьöм, радейтчöм, школаын велöдчöм, дзоньвидзалун, психологиякöд йитчöм юалöмгыяс вылö.

«Скорая социальная помощь» лөсьödöма челядлы, кодъяслы колö отсавны кутшöмкö мытшöдын, тшöтш и нöйтöм да увтыртöм кузя. Службаса специалистьяс корöны Коми Республикаса олысьясянь юөр, көнi олöны судзсьытöм семьяяс, эм-ö найö матысса, орччөн олысьяс лыдын.



Вөркутаын пуктöны пыдди

Апрель 21-26 лунгъяс Вөркутаын мунасны коми кыв лунгъяс. Медшөр могыс налөн - видзны-сöвмöдны коми кыв да коми войтырлысь культура, а сідзжö велöдны том йöзöс пыдди пуктыны пöль-пöчныслысь традицияссö.

Культура лунгъяс дырйи Вөркутаын мунасны кывбур лыддысьяс-слөн конкурс, творческой занятияяс, школаясын - восьса урокъяс. Кывкörtалас тайö колана уджсö «Войвыв кодзув» коми сыланкывъяс карса III фестиваль, кодi мунас Вөркутаса национальной культура шöринын. Сэтчö пырöдчасны карса сылысь-йöктысь котыръяс, лоас и национальной паськöмлөн сідз шусяна дефиле. Фестивальöн медшөр корöмыс öти - быд петкöдчöмын медым юргис коми сыланкыв.

Наркотиклы паныд акция

Апрель заводитчигөн «Комикиновидеопрокат» нуöдiс «Олам дурмöдчанторъястöг» республикаса акция: «Октябрь» кинотеатрын студентъяслы петкöдiс «Чёрная метка» документальной фильм да дурмöдчанторъяслы паныд сувтны коран видеороликъяс.

Танi жö том йöзкöд сёрнитiс дурмöдчанторйөн вöдитчöм кузя видзöдан федеральной службалөн Коми Республикаса управлениеын зiльысь Ольга Колпакова. Сийö корис ныв-зонмöс ёнджыка пырöдчыны спортö, аддзыны аслыныс кутшöмкö мукöд занятие.

Аньлөн сёрнитöм бöрын петкöдчисны 18 номера школабердса содтöд тöдöмлун сетысь шöринын боевой искусство радейтысь спортсменъяс. Киновидеопрокатөн веськöдлысь Виталий Лифляндский корис том йöзöс видлыны вöчны ассыныс кино да пырöдчыны «Моя КИНОлетоPEACE» конкурсö.

Акция та вылын оз помась. Котыртöм мероприятиеяс мунасны Кörtкерöсын, Абъячойын, Зöвсöртын, Койгорт да Удора, Сыктыв да Сыктывдiн районгъясын.

Шекспир - КОМИÖН

Ухтаса Б.Ф.Шахов нима коми культура шöринысь «Радлун» театр казгыштiс Англияса гижысь да драматург Уильям Шекспирöс. Апрель 23 лунö тайö нималана классиклөн чужöмсянныс тырö 450 во. Кыздзи тöдса, Шекспир лöö театрлы подув пуктысьөн. Та вöсна и Ухтаса театр бокö абу кольччöма.

Коми культура шöринысь ыджыд жырйыс тайö рыт кежлас лоис Англияөн. Классиклөн олöм йылысь комиён висьталiс паж. Нывъяс, талунгъя лун вылö англичанкаяс, лыддисны Альберт Ванеёвөн комиöдöм Шекспирлысь сонетъяс. А шöринса уджалысь, англия кыв велöдысь Домна Чупрова, нуöдiс видзöдысьяскöд ворсöм. Вермысьлы вичмис англия-роч кывкуд.

«Радлун» театрысь артистъяс вöзйисны донгъявны «Сон в летнюю ночь» комедияысь юкөн. Комиöдiс сийöс шöринөн веськöдлысь Виктория Габова.

Медбöрын артистъяс да видзöдысьяс öтув юисны англичана моз чай - йöлөн.

finnougr.ru сайт серти

ЕНБИ

Коми муыд озыр енбиа йöзөн. А медым на йылысь унджыкөн тöдмалiсны да медым сöвмöдны коми кыв, Эжваса коми культура шöринын тшöкыда котыртсывлö уна сикас гаж-аддзысьлöм.

Бöръя кадö шöринын муно ыджыд удж «Сёрнитам да сылам комиён» уджтас олöмö пöртöм могысь. Тайö гаж-фестивальыс нюжалас быдса куим во кежлö.

Тавосясö котыртiсны, медым сöвмöдны ичöтгъяслысь да верстыöджыкъяслысь сылан енбисö. Уджыс мунис куим тшупöдын: медводз аслас сыломён нимкодмöдiсны детсадö ветлысь дзюлюкъяс, мöдас - ичöt классъясын велöдчысьяс, коймöдас - гырысь класса томулöв да верстыöджыкъяс.

Медбура сылысьяс апрель 11 лунö петкöдчисны мыла коми сыланкывъясөн гала-концертын. Быдöнлы на пöвстысь вичмисны диплом-козингъяс.

Локтан кык вонас шöринса сцена вылын томулöв нимкодмöдасны театрса петкöдчöмгъясөн, а сигöртас уджтасö коми йöзкостса обрядысь юкөнъясөн тöдмöдöм.

Анастасия НЕНИНА

Коми муыд озыр енбиа йöзөн



КОЛАНА УДЖ

Апрель 1-10 лунъясö Кулөмдін районса йөзөс социальнöй дорьян шөринлөн семьялы да челядьлы отсөг сетан юкөнись специалистъяс нуөдісны «Курительные смеси: их последствия» тема серти акция.

Аддысьлөмыс муніс Немдін сиктын Р.Г.Карманов нима да Дон сиктса школаяс подулын. Акцияö пырөдчисны 2, 5, 6 да 7 классъясса велөдчысьяс, ставнас - 32 тыр арлыдтөм морт.

Челядьлы петкөдлісны куритчөм йылысь слайд да видео. Томулов төдмалісны, мыйта лёксö вайö куритчөм. Специалистъяс кыпөдісны некымын юалом: мый сэтшөмыс «куритчөм», мыйла томулов дурөны быдсыма пежторнас, мыйта лёктор куритчан тшынын да куритан гудрасъясын (смесьясын), а тшөтш и видлаісны-донъялісны табакөн вузасьöмын оланпас.

Тыр арлыдтөмаяс окотапырысь пырөдчисны сёрниö. Кывкөртөд пыдди велөдчысьяс көсийисисны видзны асьнысö да дзоньвидзалуннысö. Ставлы разөдісны «Курительные смеси: их последствия» да «Я умер из-за курения» буклетъяс.

Куритчыны оз ков!



Луздор районса челядьлы сэтчөс йөзөс социальнöй дорьян шөрин нуөдіс «Путешествие к звездам» гаж.

Гөститім космосын

Некымын 10 во сайын ныв-зон ставон көсийисны лоны космонавтөн, но öнیا челядь тайö көсийөмсьяс лэдзчысисны. Налы

космосса пиратъяс, мукөд планетаын олысьяс - мультфильмын медрәдейтана геройяс. Но мукөддырйи тайö персонажъясыс,



вөвлытөм планета йылысь висътъясыс оз воны сьөлөманыс челядьлы, найö заводитöны повны наысь. Сідзкө, колө накөд бура сёрнитны, мый сэтшөмыс космос.

Семьялы да челядьлы социальнöй отсөг сетан шөринса да вермытөм челядьлы реабилитационнöй юкөнись специалистъяс нуөдісны космос йылысь кыпөд гаж. Нывъяс да зонъяс петкөдлісны винёвлун, төдөмлун «космической» эстафетаын. Унатор төдмалісны планетаяс, космосын олом, отечественнöй учёнöйяслөн удж йылысь. «Космические путешественники» мича стенд петкөдліс, коді медводзөн ветліс космосö, а тшөтш и төдмөдіс сылөн геройяс йылысь. Бөринджык челядь пырөдчисны ракета вөчөм кузя мастер-классö.

Төдтөм космос лои челядьлы матынджыкөн. Öнi сиктса челядь унджыкөн окотитасны лоны повтөм космонавтясөн, пуктыны ас водзö мог да пөртны сійөс оломö.

Социальнöй технологияс сөвмөдан шөринлөн юөр серти

ЕНБИ

Изьва районса содтөд төдөмлун сетан шөрин нүөдис «Этномода» нима прикладной творчество серти «Зарни кияс» конкурс.

Изьваса зарни кияс

Конкурс вылын ныв-зонлы коліс ас эмбур-материалысь (бумагаысь, дөраысь, сямодысь, кучи-кысь, куысь, сёйысь да уна мукөдторйысь) куим часон вöчны-дасьтыны удж. Шөрин конкурсö пырöдчысыяслы вичмөдліс ассыыс жыръяссö да вур-сян машинаыссö.

Конкурс вылын районса көкъямыс школаысь 24 велөдчысь дасьтисны кызы удж. Найöс донъялісны куим нимпас серти: «Öнiя паськөмын этномотивъяс», «Сценавывса да стилизованной костюм» да «Прикладной творчество да аксессуаряс». Уна уджын тыдаліс сідз шусяна национальной колорит. Челядь зэв азыма да сёлөмсяныыс уджалісны куимнан чассö.

Но конкурсыд сы вылө и эм, медым бөрйыны вермысьясöс. Сідз, «Öнiя паськөмын этномотивъяс» нимпасын вермисны Мокчойса школаысь Ирма Рочева да Красноборса школаысь Ксения Бессонова.

«Сценавывса да стилизованной костюм» номинацияын медбур уджъяс артмисны Гамса школаысь Александра Рочевалөн да Светлана Хозяиновалөн (өтув дасьтөм уджысь), а ыджыдджык арлыдаяс пöвстын вермысьөн лоины Изьва районса содтөд төдөмлун сетан шөринө ветлысьяс Тамара Канева да Юлия Витязева (тшөтш өтувъя уджысь).

«Прикладной творчество да аксессуаряс» нимпасын вермисны Щельяюрса школаысь Юлия Сметанина, «Кодзув» өтув дасьтөм уджысь Изьваса школаысь Дмитрий Семяшкин да Вениамина Сайранова да Кипиёвса велөдчанінысь Виктория Истомина.

Челядьöс велөдысьяслы тшөтш вичмисны аттьö-алана гижөдъяс. Став дасьтөм уджысь «Луд» гаж кежлө «ПАС» этнокультура шөринины водзмöстчысьяс дасьтыласны выставка.

Миян корр.





ВЫЛЬ КЫВБУРЪЯС

Ассьыс гижөдъяссө «Йöлöга» газетö ыстис Кулöмдін районса Помöсдін шөр школаын 10 класса велöдчысь Олимпиада Игнатова. Ныв витöд классянь нин заводитлöма гижны кывбуръяс, окотанырысь ветлö и «Петас» литературной котырö. Ассьыс гижөдъяссө йöзöдлöма нин районса «Парма гор» газетö. Прöст кадö Олимпиада сьылö сиктса культура керкаын.

Со и тiянлы, дона лыддысьысьяс, вöзъям донъявны нывкалысь енбисö. А чайтöм серти, кывбуръясыс зев бурöсь, восьтöны том мортлысь пытшкөсса мөвпъяссö. И эм нöшта öти корöм - оз ков энөтчыны гижан уджысь, а водзö сөвмыны да быдмыны ыджыд нима кывбуралысьöдз.



Коми му

Коми му... Тэныд, надейтча, кола.
Тані быдми ме. Тані и ола...
Ылі муясö некор ог мун:
Аслам олöмын дона быд лун.

Чужан местаын сöстөм на юыс.
Пыр на ловзыйлö тулысын муыс.
Эз на чусмыны ваыс да вöрыс.
Эз на курыдмы чужан му көрыс.

Купальница

Менам кийн - купальница.
Сійö - мичасьыс на мича!
Бытьö шондi сылөн юр...
Сэтшöм дзоридзыс тай бур!

Кад

Чужан, быдман, версттьöмман...
Кольö уна во.
Он и тöдлы - пöрысьман.
Он нин томөн ло.

Чужасны кор внукъясыд...
Медся ыджыд шуд.
Уна-сь коскад кучкылас.
Нинöм тай он шу.

Видзöдан да, воö нин...
Тэнад ловлы пом.
Ачыд аслыд нурбыльтан:
«Эг прöста ме ов...»



Дядьö

Оліс-выліс дядьö,
Скуп да топыд морт...
Некодöс эз радейт,
Эз вöв сылөн ёрт.

Овлö, челепиян
Корöны со тай:
Дядьö, дядьö, дядьö,
Нянь шөрöм кöть вай!

Сэки дядьö скöрмас!
Пузяс сылөн вир.
Горöдас лёк горшён!
Корысь пышьяс - зьвирк.

Пöрысьмис тай дядьö,
Абу сылөн ёрт...
Некодöс эз радейт
Гуын олысь морт.

...Кувсис сэссия дядьö.
Эз и тöдлы морт!
Мыйся тайö олом?
Гуын вошис горт.

Менам бать

Быдтор кужö батьöй менам.
Сыкөд став сьökыдсö венам.
Сьökыд лоö - отсыштас.
Водзмöстча кö - ошкыштас.

Коркö овывлө и стрөгөн!
Эм кö мыйысь...Сэки лют...
Видзöдлас кö аспас синмөн -
Сы водзын ме - бытьтö гут!

Быдтор вöчö менам батьö.
Майбыр, тырмö сылөн сям.
Оз тай дзугöд менö налькйö.
Сійö менам - бур да рам.

Вöт

Вöтаси ме öтчид тадз:
Бытьтö котöрта ме скач!
Кок ув дорын тюрö мач.
Мачас кокөн чужйи: швач!
Сэссия садьми...Шыч ни рач...
Некөн абу менам мач!

Уджач морт

Уджач мортыд - медся ён!
Сылөн ставсьыс ыджид дон.
Уджач мортыд пырджык рам,
Юр выв тыр кöть сылөн сям.

Уджач мортыд - авъя, мыла...
Сылөн ноксьöм ылöдз кылö!
Уджач мортыд - ставлы ёрт.
Öти кывйөн кö, - бур морт.

Тулыс

Сьöлөм менам радысь сьылö,
Лэбач дзользьöмъяс кор кылö.
Тулыс локтö. Вөр-ва ловзьö.
Тöлыс, мöдар, - шогсьö, повзьö!
Скöралö тай тулыс вылö,
Скöрыс сылөн ылöдз кылö.
Вынöй, шуö, пыр на уна,
Эн на вöтлöй, ог ме мун на!
Сöмын тулысыдлөн выныд
Ёна унджык тöлысь. Кыныд...
Тані некодлы оз ков!
Петав шондй! Шонты лов...

Мамлы

Мамöй менам - медся бур!
Сыысь бурджыкыс - оз сюр.
Авъя, мыла, мелй, шань...
Быд лун пöжалö мем нянь.
Тайö мортыс - медся муса.
Сійö менам - абу вуза!
«Помöдз радейтöмöс нуа!» -
Веськыда ме сылы шуа.



ТУЙЫН

Март төлысьё искусство гимназияса театр юкёнын велөдчысьяс ветлісны «Путеводная звезда» фестиваль-конкурс вылө. Найö вöліны Санкт-Петербургың, Финляндияын, Швецияын да Эстонияын.

Миян 10 «г» классысь сэтчө ветлісны Иван Николаиченко, Марина Канева да Анастасия Калмыкова. Ставныс найö лоисны фестивальса лауреатъясон: Ваня шедөдіс медводдза, Марина - мөд, а Настя - коймөд места.

Гортö воөм бөрас ме кори найос юксыштны асланыс сьөлөмкылөмъясон.

Иван НИКОЛАЙЧЕНКО:

-Тайö ветлөмсö ме некор ог вунөд, өд ме лои конкурсын вермысьөн. Виктор Напалковлөн вөзйөм серти лыдди сәни Твардовскийлысь «Василий Тёркин» поэмаысь юкөн да ворсі гудөкөн. Виктор Михайлович отсаліс меным и дасьтысьнысö. Зэв ыджыд аттё косья висьтавыны сылы. А паськөмсö меным сетлісны «Асья кыя» ансамбльысь.

Конкурссыс ме эг пов, өд петкөдчылі нин татшөм ордысьөмъяс Питерын да Волгоградын. Збыльысь кө, ме виччыси медводдза местасö, быттё водзвыв нин төді, мый тадзи лоас. Нöшта на и «Ва-



силый Тёркиннас» зэв бура поэьö петкөдчыны. Чайта да, көнкө выступайта на сыөн, өд и аслым меным сэтшөма кажитчö сійö. Дерт, ме унатор босьті аслым тайö конкурссыс. Төда, колö на уджавны, медым бурджыка сёрнитны.

Омөльдзык вöлі сійö, мый воддза конкурсъяс бөрас, көні эз көсыны кывзыны комиөн сёрнисö, программасö дасьтөм рочөн, а видзөдысьяс да жури корисны и комиөн сёрнитны. А ми эгө вермөй тайос вöчны.

Кажитчисны меным и экскурсияс. Суйөр сайö мунтөдз кык лун вөлім Питерын, а бөрсö локтігөн - вит лун. Сәни миянлы зэв ёна отсасисны гимназияса выпускникъяс, тшөтш и гостиницаö овмөдчөмын. Ксения Таскаева уджалö Санкт-Петербургың Комилөн представительствоын. Сійö нуөдліс миянөс Эрмитажö, Кунсткамераö. Кунсткамераысь ме чайтө аддзыны урөдъясöс, а татшөмъясыс сөмын өти жырйын вöліны. Мукөдас гежөда паныдасьлөмторъяс чукөртөмаөсь: Пётр I-лысь глобус, уна сикас войтырлысь паськөм. Сідзжө ветлім куим театрö. Зэв бура паметё колис «Женщина и война» спектакль. Зіли пель сайö сюркнявны, кыдзи колö петкөдлыны война кадсö. Öд ми дасьтам «Опа-

лөнное детство» уджтас - буретш война йылысь.

Суйөр сайö ми ветлім «Принцесса Анастасия» паром вылын. Сійö зэв ыджыд, көкъямыс, а гашкө, өкмис судтаа. И ставыс эм: кафе и ресторан, бассейн, вердісны сідз шусяна «шведскöй пызанөн». Каютаас олім нельбөн.

Медводдза странаыс вöлі Финляндия. Хельсинкиын уджык йөзыс радейтөны спорт, асывьяснас котралөны.

КЫТШОВТІ

Швецияö мунігөн заводитчис «Танцевально-конкурсной программа». Бура эськө йөктисны, но миян гимназияысь хореографъяс нöшта на бурджыкось. Стокгольмын меным медся ёна кажитчис. Сэтшөм мича карыс! Сәни уна турист. Сёрнитөны уна кывйөн, и кылан асьтö, быттё мөд планета вылө веськалін. Нöшта сәни векньыд уличяс. «Маленький принц» памятник сәни эм. Шуөны, малальштан кө сійос, лоан шудаөн, и унаысь на волан сэтчө.

Стокгольмысь петігөн ми кывтөм дяс костті. Вөлі уна би, и сэтшөм мича ставыс тайö. Дыр на оз вун менам.

Эстонияö мунігөн вöлі сьылысьяслөн «Эстрадный вокал» конкурс. Но профессионализмыс оз на тыдав, лёка кутөны микрофонсö. Налы эз мойви, саридзлөн гыясыс паромсö качайтисны да.

Эстонияын меным эз ёна кажитчы. Этша кадыс вөлі да, колі на и выступайтны миянлы. Нöшта на и мудзим. И быд странаын аслас кад на. А Эстонияысь паметё колис сійö, мый важ Таллинын мича архитектура, нэмөвөйся керкаяс. А выль Таллинас голь йөз овлөмаөсь, өні сәни выль сикас стрөйбаяс сулалөны.

Анастасия КАЛМЫКОВА:

- Конкурс вылас ме босьті коймөд места, и чайта, тайö зэв бур! Öд меным эм на мый вылын уджавны, эм кытчö быдмыны. Кодъяс лоисны мед-



воддзаясөн, найö кыпöдчисны вылі тшупöдöдз. Налы оз позы усьны, колö кутчысьны тайö тшупöдас. Ме унатор аслым босьтi, сэтшöм колана опыт чукöртi.

Конкурсыс вöли интересной сыөн, мый пароходөн кывтöмөн вöлим куим странаын, и тайö аслысикас сьölöмкылöмгяс сөгö. Сöмын йöктысьяс зэв жальöсь вöлины, öд найö выступайтисны зэв гыа дырйи.

Паромыс кажитчис, торйөн нин сьлөн нимыс - «Принцесса Анастасия». Сийö зэв ыджыд, кар кодь. Ми нывгьяскöд, кор петавлим палуба вылас, шулим: тайö «Титаник».

Зэв ёна воис сьölöм выlö Швеция. Сэтшöм мича страна, сöстөм. Этша кодi сёрнитö рочөн, ме мурт-

ыджыд атгö котыртысьяслы, Комилөн представительствоы. Öд найö дасьтисны миянлы некор вунöдтöм программа.

Финляндияыс вежөрö колис таможнянас. Найö ставсö сэтшöма видлалöны, гашкö, кык час сэнi вöлим! Странаыс мича, да и йöзыс тшöтш. Неуна матын Россиялань, öд вöлины лым да йи.

Зэв мича вöли миян паромыс, неуна «Титаник» кодь.

Швеция. Ме радейта тайö странасö. Бытгö мöд кад сэнi. Миян кö полиция став бöрсяыс видзöдö, налөн - стража. И паскөмныс мича... А кутшöм архитектураыс, скульптураыс, памятникгьясыс.

Эстония паметьö колис чöскыд сёянөн. Ме видлi

М суйöрсайса му

са роч кывсö эг вунöд. Сöмын анлия кывйөн ковмис сёрнитны. Сэнi йöзыс пыр нюмгьялöны, бура вочаалöны туристгьясöс, отсалöны.

Финляндия вежөрö колис зиль йöзөн, весиг понйыскöд гулайтiгөн оз восьлавны, а котöртöны.

Кор воим Эстонияö, меным кажитчис, мый ми веськалим кутшöмкö средневековöй кадö благородной рыцаргьяс дорö. Ме эськö дырджык на олi сэнi, но ми выступайтiм да та понда ёна майшасим.

Сцена выlö петiгөн ме ёнасö эг шогсы. Лыдди Надежда Мирошниченколысь, менам радейтана поэтессалысь, «Усть-Цильма» да «Русский Манифест» кывбургяс. Родыштi кö, сöмын сы вöсна, мый видзöдысьяс пöвстын пукалисны Виктор Михайлович да менам ёртгьяс. И ме зэв ёна старайтчи, медым налы кажитчыны, медым найöс не подведитны.

Сiдзжö ми вöлим Россияса войвыв юркарын, Санкт-Петербургы. Менам збыльмис öти кöсийм: ас синмөн адзывны «Последний день Помпеи» да «Девятый вал» серпасгьяс.

Зэв ёна кажитчисны «Алые паруса» да «Женщина и война» спектакльяс. Миян регыд лоас «Опалённое детство» премьеры. И «Женщина и война» быгь колис видзöдны. И öни ме тöда, кыдзи позьö петкöддыны сийö кадся сьöкыдлунгьяссö.

Суйөр сайö ветлiгөн менам зэв ёна бырис гажöй Россияысь, роч да коми кывйысь. Кыдзи тай шулöны: «Гöститны бур, а гортад бурджык!»

Марина КАНЕВА:

Менам думын весиг эз вöв, мый шедöда мöд места, öд медводдза во на гимназияын велöдча. Кöсий босьтны кутшöмкö опыт, видзöддыны, мый сийö конкурсас петкöдчöмыс. Ставыс вöли сэтшöм тöдтöмөн, вьлөн. И сэк жö мичаөн. Зэв уна сьölöмкылöм вöли, весиг, позьö шуны, адреналин.

Дерт, ме некор ог вунöд тайö ветлöмсö. Ми вöлим и Питерын, и Эстонияын, и Швецияын, и Финляндияын.

Санкт-Петербург - зэв мича кар! Колö шуны



«Орехи с марципаном». Сэтшöм чöскыдтор! Таллинтi конкурс вöсна этша кадыс вöли ветлöддыны. Ме зэв ёна майшаси, полi подведитны ставнысö. Но артмис бура лыддыны кывбургяс. Öд дасьтисигас ме корси, мый медся ёна лöсгьяс меным: А.Молчановлысь «Первый поцелуй» да Э.Асадовлысь «Тринадцать миллионов детских жизней». Көть эськö öнöдз на ог эскы, мый менам - мöд места.

Конкурсыс матыстiс менö театральяскöд, ме бурджыка кутi ёртасыны накöд. Ньöти ог жалит, мый ветлi фестиваль вылас! Эм мый вылын меным уджавны, öд кöсья лоны актрисаөн. И, гашкö, мöд конкурсын медводдза места босьта.

Дасьтiс
Дарья БЕЛОВА.



Тайö тöлыс Ладьöлы омöль вöтөн быттьö колис. Некор на сыкöд татшöмыс эз вöвлы. Нинöм эз кут воны сьöлöм вылас. Ни школаын велöдчöмыс, ни гортас олöмыс. Көть эськö ставыс быттьö шылыыда мунис. Но оз-оз да и друг чепöльтгывлисны сьöлöмсö жугыль мөвпгяс. Пыр кутис кажитчывлыны, мый ёртгясыс оз пыдди пуктыны зонмöс, весиг кызкö öтдортчöны сыысь. Сидз жö и гортас абу узьöм ни олöм, кор ичöтджык чоя-вокаыс пыр мыйöнкö дöзмöдöны сийöс.

И пыр жö паметьö воис неважөнса луныс, кор Öльöксан медбур ёртыс панийс сийöс лызьöн котöртгөн. Ладьö бура котралис да исласис лызьнас. И физкультура велöдысь Сергей Сергеевич көсийсыс нин мукöд медбур спортсменгяскöд тшöтш мөдöдлыны зонмöс районса ордйисьöмгяс вылö. Но колö жö лоны сидзи, мый бөргяысь котöртгас Ладьö тöддытöг сконйыштчис да усис. Сэккості Öльöксан пановтис сийöс. Öльöксанос и мөдöдлисны Ладьö пыдди юрсиктö лызьöн ордйисьöмгяс вылö.

- Эк тэ, кызди ме тэныд эски. А нöшта ошйысин, мый лоан медводзын, - шуис сэки зонкалы дивитöмпырысь Сергей Сергеевич.

Кутшöма сэки Ладьö логасьлис и Öльöксан, и физкультура велöдысь Сергей Сергеевич, и аслас тшöтшгя ёртгяс вылас, кодгяс чолöмалисны школаса выль чемпионöс. Найö öд вöли велалöмаöсь нин, мый Ладьö веқджык вöли медгэрыб лызьöн котралигөн. И со аслыс тöддытöг Öльöксан вермис сийöс. Сöмын медбöрын Ладьöлысь шогсö пальöдигмоз Сергей Сергеевич век жö шуис зонкалы:

- Нинöм, ставыс на водзын. Он сэсса кут усьласьны. Тöдан, мый дон сулалö вермöмыс.

Но Ладьöлы таысь эз ло ккнбыдджык. А сийö öд чайтис, мый быдлаын век лоас медводзын. А оз тай пыр сидзи овлы. Көть эськö и водзын мунысьястö оз жö пыр зильны казьявны. Со көть босьтны математикаысь кольöм лунгясса контрольной, кор öтнас Ладьö вöчис ставсö кызди колö. А мукöдгяс весиг матö сы дорö эз сибавны. Ладьö чайтис, мый сийöс гортас кутасны ошкыны. Но математика велöдысь Нина Ивановна сöмын пырмунигмоз казь-

тыштис Ладьö йылысь. Быттьö сидзи и колö. Быттьö Ладьöлы кодкö пеляс шöпнитис, кызди мый колö вöчны да сийөн сийö и нажöвитис бур оценкасö. А ёртгясыс быттьö эз и казьявлыны велöдысьлысь шуöмсö. Весиг сыкöд орччөн пукалысь Алёна ёртыс вомсö чукуртлгмоз вашнитис:

- Но и мый, артмис кө тэнад ставыс. Ме сидз жö тэ моз верма ставсö вöчны. Сöмын дышöдчышта.

овлывлö мыйыськö яндзим, весиг сьöлöмыс доймывлö. И Ладьö öни кутис жö гөгөрвоны, мый ёртгясыс нарошнö сийöс нерöны. Тыдалö, көсийöны дöзмöдыштны зонмöс сыысь, мый сылөн векджык ставыс бура артмывлö. Но ачыс Ладьö оз тадзи чайт. Со пö неважөн КВН вылын Ладьöлы ёна ковмис мөмгьявны сцена вылын. Быттьöкö бура нин лöсьöдчис сэк кежлö, быттьöкö ставсö нин тöдö. Но мыйлакö гажа шмоньыс

Иван БЕЛЫХ

ОЛÖМЫС

(ВИСЬТ)

СÖМЫН НА ЗАВОДИТЧÖ

Ладьö весиг чурмунлис . Эз тöд, мый шуны воча сыкöд орччөн пукалысь нывлы. Көть эськö Алёнакöд сийö лöсьялис. Эз нин вöв сийö сэтшöм омöль нывкаөн. И гусятöргяссö кужис видзны. Абу кальöг вома. Сöмын тайö пöрийö сылы мыйкö эз во сьöлöм вылас. И Ладьö эз тöд, мыйын помкаыс.

А сидзсö öд Алёнаыс и збыльысь лöсьыдник нывка, да водзтидгжык Ладьö горт дорöдыс колльöдывлис сийöс. И сэки унатор йылысь найö восьсөн сёрнитгывлисны. Сэк жö жö Ладьöыс унджык тöдö Алёнаысь. Öд сы мындасö некод налөн классын оз лыддысь. Со и зонка пыр кутшöмкö вильтор висьталö Алёналы. А мöдыс дугдывтöг юасьö. Но бөргя кадас и Алёнаыс мыйлакö быттьö дузьявны кутис Ладьö вылö. Мукöддырийи весиг кыв оз шулы. А то друг видзöдлас Ладьö вылö, тöддытöг гөрдöдас да лэдзас сингьяссö.

Эз-ö та вöсна сылөн ёртгясыс да весиг Öльöксаныс кутисны нимтыны Ладьöос да Алёнаос жöника-невестаөн. Гашкö, сы вöсна и дузьялö Алёнаыс сы вылö. Виччысьö, мый Ладьöыс дорйыштас нылöс зонгяс водзын. А мöдыс, мыйлакö, веқджык чöv оло. Быттьö оз гөгөрво, мый зонмыдлы татшöм нерöмыд дзик веськодь, а нылыдлы веқджык

сылөн, кодöс сэтшöм ёна виччысисны ёртгясыс, сидз эз и артмы. Та вöсна вермис орчча класса командаыс. Ёртгясыс бöрынджык бара жö серамывыв Ладьöос лэптисны. Вывтидгжык пö вышитчыны кутин. А сийö öмöй мыжа? Аддзис сэки Ладьö, кутшöм корана да виччысяна сингьясөн видзöдö сы вылö залын пукалысь Алёнаыс, и став водзвыв дасьтöм шмонитана кывгьясыс кытчöкö вописны. Сийö аддзö сöмын ас водзсыс Алёналысь сөстöмсыс-сөстöм да джуджыд сингьяссö и нинöм оз сяммы шуны. Быттьö кывсö көрталöмаöсь. А Алёналөн тайö кадас весиг синваыс петалис, сэтшöма сийö висис сэки сьöлöмнас Ладьö вöсна. А бöрыннас нöшта ёнджыка кутис дузьявны. Гашкö, чайтö, мый нинöм вылö нин Ладьöыс оз шогмы.

Со и та вöсна бөргя кадас Ладьö быттьöкö эзджык кут гөгөрвоны олöмсö, быттьöкö сылы и збыль эз кут мыйкö тырмыны. Та вöсна и оз ставыс сидзи артмы, кызди эськö колö.

Со тадзи и мөвпалис Ладьö школаысь гортас восьаалигөн. И эз вöвны тайö мөвпгясыс ёна долыдöсь. А гортас, кызди и век, сы дорö матыстчисны ичöтджык чоя-вокаыс. Найö гажтöмтчöмаöсь ыджыд воксыс. Водзти-



джык Ладьö накöд тшöкыда ворслывліс. Лыддывліс ичöтджыкъяслы мойдъяс да гажаджык висетьяс. Но бөръя кадас сійö кутіс петкөдлыны асьсö верстыöджыкөн нин. Шулывліс воча, мый некор пö тјанкөд ворсны-дурны. Асьныд пö нин кызкө-мыйкө.

- Ладьö, вай лыдды миянлы коркөя мойдтö, - пыр жö кутісны тайö пöрийö гораа корны чоя-вока. Но Ладьö бара вöтліс ичөтъясöс пыдіджык жырийö, көні вöлі налөн ворсаніныс. А ачыс кутіс мөвпавны ассъыс гажтөм мөвпъяссö. Ичөт чоя-вока нинөм эз шуны воча да чöла пырисны асланыс ворсан жырийö. Эз жö лыстыны норасыны мамыслы, мый ыджыдджык вокыс наысь öтдортчыны кутіс. А то норасян да, мөдысь оз нин кут налы мойдтö лыддыны.

Но мам синсьыд öд нинөм он дзеб. Бөръя кадас сійö сідзжö казяліс, мый гозъялөн ыджыдджык быдтасыс збыльысь пондіс вежсыны. Лоис кутшöмкө зумышджык. Нюм-серыс гежöдджыка пондіс петкөдчывлыны чужöм вылас. Да и гөлөсыс кызкө

быттö чорыдджык лоис. И мамыс Ладьöлөн эз жö куж аддзыны аслас гуся юалөм вылö вочакывсö, мыйын помкаыс. Рыгнас нин аслас майшасьöмъяснас юкисис батыскöд.

- А нинөм шензянаыс абу, - недыр чөв олыштöм бöрын вочавидзис батыс мамыслы. - Верстяммö миян медыджыд быдтасным. Вежсьö и сылөн олан сямыс. Öтитор көсья, мед сөмын ставыс бур вылö лоис да бур мортөн быдмис. Чайта, тадзи и лоас. Миян рөдысь омоль йöзыс эз петавлыны.

А Ладьö сэккості гортса уджьясөн ноксигмоз быттö нарошнö кывліс бать-мам костын тайö гуся сёрнисö. Мөд жырийö öдзөссö эз вөв топыда пöдлалöма. И друг кöдзавліс сылөн мышкыс, сэсса пöсьö шыбитліс сійöс. Тайö войнас зон дыр эз вермы унмовсьыны. Сідзкө, со кутшöм ёна бать-мамыс майшасьöны сы вöсна. А сійö быттö онөдз тайöс эз казявлы. Чайтис, мый збыльысь некодлы оз ков. Но абу тай сідз вöлöма. Эмөсь сы вöсна майшасьысыс, кодъяс, гашкө, мукöд-

дырийи войсö оз узлывлыны, мед сөмын налөн быдтасыслы бурджык вöлі. Сідзкө, нö и сылы аслыс колö зильны лоны бурджыкөн. И öні весиг лоис кызкө яндзим öнтаяссьыс, мый эз аддзы кадсö ворсыштны ичөт чоя-вокакöд. А öд ачыс сійö коркө на кодьөн жö вöлі. Сідзкө, аски налы быть нин мойдсö лыддяс. Тайö мөвпнас Ладьö и унмовсис.

Асывнас сійöс садьмөдіс тувсов шонділөн быдлаö писькөдчысь югöрыс. И пыр жö кыпыдджык лоис Ладьöлөн сьөлөм вылын. Гашкө нö, торытъя кывлөм сёрнисьыс. Но быттö абу и вöлöма кузь төлыс, коді öні сылы кажитчис эз нин сэтшöм гажтөмөн. Гөгөрвоис сійö, мый и Öльöксаныс, и Алёнаыс, и мукöд өртъясыс оз көсийны öтдортны Ладьöös. А мукöддырийи көть и завидытшывлөны сылы, көть и шмонитывлөны сы вылын, таын нинөм дивитанаыс абу. Сылөн өртъясыс Ладьöысь нинөмөн жö абу омөльджыкөсь. Көть и быдсымаыс овывлө на костын, но ковмас кö, сьökыд здукьясö, дерт жö, локтасны сылы отсөг вылö. И сійö наысь некутшöма жö оз кут öтдортчыны. А Сергей Сергеевичыс да Нина Ивановнаыс мукöддырийи нарошнö кутыштывлөны Ладьöös, мед оз велөдчы ышнясьны да мукöдысь вылөджык пуктыны асьсö. А ськөд орччөн пукалысь Алёнаыс код төдас мыйла букшасьö Ладьö вылас? И друг нывка йылысь мөвпыштигөн Ладьöлөн төдлытөг топавліс сьөлөмыс. Окота лои öдйөдджык паныдасылыны Алёнаыскöд да видзөдлыны сылөн сөстөмсьыс-сөстөм лөз синъясас. И сійö кутіс öдйөдджык восьлавны школалань. А гөгөр вöлі мича тувсов лун. Кытчökө төкөтö вoшöм лым улысь потшöс бокъясын мыччысьöмаөсь нин вижьюрьяс. Юр весьтын помтөг сьылісны асьыныс гажа сьыланкывьяссö лэбачьяс да чолөмалісны төв бöрын ловзысь выль оломсö. Улича кузя Ладьöлы паныд восьлалісны шуда чужöма йöз, быдөн аслас могьясөн. Быдөн на пиысь нимкодясис тувсов шондіыслы, гажа луныслы. Долыд вöлі и Ладьöлы сьөлөм вылас. Сійö ачыс гөгөрвоис, мый оломыс сылөн сөмын на заводитчö. И ставыс на водзын.



АДДЗЫСЬЛӨМ

Нельөд во чөж нин Берба лунө юркарса «Изьва керкаын» паныдасьлөны Изьва районса Кыдзар сиктысь да Чика грездысь петлөм войтыр.

«Кыдзарса рытьяс»

2011 воын Чика грездса том морт Павел Бабиковлы вома юрас шензьодана мөвп - чу-

те» либө «Одноклассники» соцсетьясын гижасигөн. «Кыдзарса рытьяс»



көртлыны «Изьва керкаө» ас сиктса войтырөс, кодъяс өни олоны Сыктывхарын. Медся матыс шойччан луныс сэки

дырйи том войтыр өна гажөдчөны, нуөдөны уна сикас ворсөм-конкурс. Сидз, тавося рыт дырйи вөли нуөдөма чужан



усьөма Берба лун вылө. Тадзи и артмөма аслыспөлөс традиция - өтувтлыны землякъясөс өти пызан сайө, медым артмис ловъя сёрни, а эз сөмын ёртасьомыс вөв өтуввез пыр - «ВКонтакте-

сиктлөн история кузя викторина. Медуна төдөмлун петкөдлс Чика грездса том морт Руслан Терентьев. Быд конкурсын вермысьлы вичмис ичөтик козин - Чика-Кыдзар сикт-грездлөн

серпаса сувениръяс. Быд во асьсы землякъяссө мелі сьыланкывъясөн гажөдө енбиа морт, «Асья кыа» ансамблын сьылысь-йөктысь Владлен Туркин.

Татшөм паныдасьлөмъясыс өна колөны. Öд тані аддзысьлан важ төдсакөд, төдмасын и юркарө велөдчыны воөм том войтыркөд. Тешкодъ, мый өти сиктысь петөм войтыр, кодъяс абу өти

тысь олысьяс. Сидз, апрель 26 лунө «Изьва керка» виччысьө мохчойсаөс. Найө, төдөмысь, зэв жө бура колляласны аддзысьлөм вылө урчитөм кадсө.

Ыджыд аттгьө көсьям шуны Изьваса землячествоын водзмөстчысь Степан Семяшкинлы да «Изьва керкаөн» юрнуөдысь Василий Рочевлы, кодъяс сетөны поэянлун юркарын олысь изьва-



арлыдаөсь, весиг оз төдны өта-мөдсө. Пасйыштам, мый том йөз паныдасьлөны курыдтор ютөг. И тайө тшөтш, позьө шуны, «Кыдзарса рытьяслөн» аслыспөлөслун да бур водзмөстчөм.

Татшөм ногөн жө «Изьва керкаын» паныдасьлөны и мукөд сик-

таслы аддзысьлыны да гажаа коллявны кад. Сиам налы дзоньвидзалун, а мада «Изьва керкалы» - сөвмыны водзө да өтувтны ас бердас пыр унджык изьваса войтырөс.

Екатерина ЛИВСОН.
Снимокъясыс Кыдзарса том йөзлөн.



СПОРТ

Апрель 10 лунö Корткерос районса Ыджыдвиддын мунис «Мама, папа, я - спортивная семья» лызьон котралан эстафета. Старт вылө петис 12 команда. Поводдяыс вöли шондiа, дзирдалис лым: быдöнлы лов вылас вöли нимкодь.

Ставон зилисны шедöдны вермöm. Медводз ордйысисны ичöt классын велöдчысыя: Валерия Ложечкина Татьяна Юрьевна мамыскöд, Аким Панюков Иван Александрович батыскöд, Ирина Меникова Дмитрий Михайлович батыскöд, Юля Панюкова Елена Егоровна мамыскöд, Никита Мишарин Светлана Александровна мамыскöд, Ариана Макарова Елена Ивановна мамыскöд, Софья Панюкова Михаил Дмитриевич батыскöд. Котöртсыяслön ыззьöмыс тшöтш вуджис видзöдысыяслы. Кылис, кызди челядь ышöдiсны баты-мамнысö шедöдны вермöm.

Быдöн петкöддiс виневлун-сям. Нель котöртöm серти водзö петис Панюковъяслön семья - Юля да Елена Егоровна. Мöд места шедöдiсны Макаровъяс - Ариана да Елена Иванова. Коймöдön финишöдз воисны Мишаринъяс - Никита да Светлана Александровна.

Сэсыя котöртiсны Диана Макарова Елена Ивановна мамыскöд, Элина Мишарина Алина Владимировна мамыскöд да Константин Валерьянович батыскöд, Оля Панюкова, Максим Церенюк, Павел Церенюк Елена Егоровна мамыскöд, Кристина Игушева Тамара Алексеевна мамыскöд да Михаил Васильевич батыскöд, Ирина Габова Афанасий Васильевич батыскöд.

Эстафета дырйи ставон зилисны воöдчыны медводзöд. И со кутшöм кывкöртöд: медводза места шедöдiсны Габовъяслön семья - Ирина да Афанасий Васильевич, сэсыя Мишаринъяс - Элина, Алина Владимировна да Константин Валерьянович. Коймöдön воисны Панюковъяс: Оля, Максим, Паша, Елена Егоровна. Колö пасйыны, мый кык мам: Елена Ивановна да Елена Егоровна котöртiсны кык пöвста, öд челядьжыс велöдчöны и ичöt, и гырысьдык классъясын.

Ордйысьöмсö котыртысь Афанасий Васильевич Габов аттьöалис ставнысö, сетис козин да грамотаяс да корис и водзö вылө пырöдчывны лызьон котралан ордйысьöмö.


**Ольга Витальевна
КОНДАЧКОВА,
ичöt классъяс велöдысь.**

Коді медтэрыб?



ТӨД ВҮЛӨ Быдөн мян пиысь төдө, кымын лёк вайё курыдтор юом да куритчөм. Кытчөдз дзоньвидзалуныдлы оз мөрччы, сэтчөдз оз видзөй сийөс. Окота өлөдны том йөзөс, мый тайё пеж, рочөн кө шуны, при-вычкаыс нинөм бурсө оз вай - дзоньвидзалунтө тшыкөдан да и өттшөтшъя-яслөн син водзын пыдди пуктмөттө воштан.

Видз асьтө!



Алкоголизм - сьөкыд хронической висьөм, мынтөдчыны сыысь сьөкыд. Висьмөны тшөкыда юом бөрын: ёна кыскы курыд юантор дорө, мортыс лэдзчысьö олөмсьыс. Со мый позьö пасйыны тайö висьөм йывсьыс.

→ Мортлөн абу ни өти пытшкөсса орган, кодi оз тшык юомысь.

→ Быд курыд юанторйын эм этиловöй спирт. Этиловöй спирт öдйö пырö лыткаö (желудокö) да суййö, öдйö воö мускөдз да вирö.

→ Юысь морт вермө воштыны память, висьмыны шизофренияөн, торксьö психикаыс. Мөвпалö сөмын курыдтор йылысь, көть и семьяын оз судзсысьөм, эновтö удж, лэдзчысьö олөмысь.

→ Алкоголикос гежөда восөдö. Та понда көть кымын оз ю, ставыс кольö пытшкас. Тайö шуö сы йылысь, мый вир-яйыс оз вермы водзасьны курыд юанторлы.

→ Кымын унджык верман юны, сымын организмыд велалö сы дорö.

→ Юысь йөзөс пөкмелля дырйи босьтö сiдз шусяна «белая горячка». Морт инас оз öшйы, сылы мыйкö каститчö.

→ Эм эпилепсиялөн сикас, кодi артмө курыдтор юомысь. Висьысьлөн чужөмыс еждö, воштö садьсö, усьö.

→ Статистика серти, юысь морт этшаджык олө ютөмысь: нывбабаяс 10 прөчент вылө, мужичöйяс - 15.

→ Юысь нывбаба оз вермы верды кагасö морөсөн.

→ Юысь морт водз пöрысьмө.

→ 40 арөса юысь нывбабалөн чужөмыс тшөкыда пöрысь пöч кодь.

→ Важөн йөз эз зильны юны курыдтор аслас көлысь дырйи, медым бать-мамлөн чужины дзоньвидза челядь.

→ Юысь бать-мамлөн чужөны висьысь челядь. Кольөм нэмын на Францияыс Демме бурдöдысь туялөма татшөм бать-мамлысь челядьсö: 50 прөчентыс кулөны ичөт арлыдын, оз кө - 10 прөчентыс висьмөны эпилепси-

яөн да юрлөн «водянкаөн», 12 прөчентыслөн вежөрын торксьомгьяс и сөмын 10 прөчентыс дзоньвидзаöсь.

→ Физикгьяс серти, курыд юантор йөжмөдö («сворачивайтö») виртö.

→ Норвегияын мортыс кө унджык юö, гежөд организация босьтас сийөс удж вылө.

→ 100 грамм пивоын - 6-12 грамм пагөдантор (яд, этиловöй спирт), 100 грамм винаын - 20 грамм, 100 грамм шампанскөйын - 17 грамм, 100 грамм водкаын - 4 грамм. Кило сьөкта вылө кө вичмас 8 грамм этиловöй спирт - мортыс кулө.

→ Юөмысь мян странаын быд во кувсьö миллион гөгөр морт!



Мастер-КЛАСС

Юркаса 87 номера челядылы сыйысь воспитатель, а тшөтш и серпасаян урок нуодысь Екатерина Николаевна Бердникова вөзйö «Йöлöга» газет лыддысьяслы видлыны серпасавны сюзьöс.

Серпасалам сюзьöс



Та вылö колö: гуашь, небыд гöна кисточка, стöканын ва да салфетка.

1. Медводз серпасалам ыджыд овал. Тайö лоö миян сюзьöн юрнас да тушанас.

2. Сы бöрын серпасалам кык ыджыд круг - синъяс. Кок пыддиыс - треугольникяс.

3. Синьяссö краситам кольквиж рöмөн, медым сюзьыд бура аддзис пемыдас.


4. Югыд да пемыд мугов рöмъясöн серпасалам сюзьысь гөн. Сэсыя содгыштам оранжевöй рöмъяса «гöнторъяс».

5. Та бöрын туша бокас серпасалам бордъяс, краситам найöс.

6. Сюзьыд пукалö пу вылын, та вöсна серпасалам пу да ув, кытчö лэбачыд кокъяснас ёна шашаритчöма.

7. Съöd рöмөн серпасалам сюзьысь син, вöчыштам ныр да съöd рöмөн содгыштам «гöнторъяс».

8. Сюзьыд олö войнас. Та вöсна кабала вылö серпасалам съöd енэж, кольквиж тöлысь да уна рöма кодзув.



«Коми йöзöдчан керка»
Коми Республикаса
автономной учреждение.

Веськöдлысь
Н.Н.БЫКОВСКАЯ
Гл.редактор
Г.В.МАКАРОВА



Газет панысь:
Печать да юөр сетан Коми
Республикаса агентство.
Регистрируйтöма
2007 вося ноябрь 28 лунö
йöзлы юөр сетöм да
культураса озырлун видзöм
кузя оланпасьяс
збыльмöдöм бöрся
видзöдысь федеральной
службалöн Беломорской
управлениеын.

Регистрируйтан пас:
ПИ №ФС 3-0686.
Социальной тöдчанлуна
гижöдысьö йöзöдöма «Коми
йöзöдчан керка» автономной
учреждениеылы печать да юөр
сетан КР-са агентствöн
вичмöдöм съём вылö.



Редакциялөн адрес:

167982, Сыктывкар,
К.Маркс улица,
229-öd керка,
401-402 кабинетъяс.
Тел. 24-12-22, 24-36-49.
E-mail: Yologa@mail.ru



Редакцияын
уджалысьяс:
том йöзлөн мытшöдъяс
юкөнөн веськöдлысь –
Надежда Пунегова;
письмö юкөнөн
веськöдлысь –
Екатерина Микушева.



Медводдза лист бокас
снимокыс
Вероника
Нестеровалөн.



Авторъяслөн мөвпъяс оз
пыр лöсявны редакциялөн
видзöдласкöд.



Тираж – 545.
Гижöдчан индекс – 52099.
«Йöлöга» газет петö
1991-öd восянь
вежоннас öтчыд, комиён.



Печатьö кырымалан кад:
график серти – апрель
тöлысьлөн 16-öd лунö
16 часын; кырымалöма
печатьö 16 часын.
Газет печатайтöма
«Коми республиканской
типография» ООО-ын дасе
оригинал-макетъясысь.
167610, Сыктывкар,
В.Савин улица, 81
Заказ №

Со тай, артмис!
Молодеч!



Локтан шойччан лунө - Ыджыд лун. Тайө лунө быдөнлы окота мыйөнкө чөсмасьыштны. «Йөлөгаса» Дашук вөзий вөчны чөскыд чери, рыська пирөг да шыд. Сідзкө, пусьой-пөжасьой, чөсмасьой асьныд, а тшөтш и матыссатө корлөй.



**Дашук
ВЕЛОДӨ**

Чөскыд чери

Колө: 4 неыджыг скумбрия (позьө и мөд чери босьтны), 1 лук, чеснок, консервируйтөм томат, көнтусь вуй, 2 ыджыг пань гөрг винной уксус, 1 пань песок, укроп, турунвиж лук, сов да переч.

Медводз мичаа мыськыны-вөчны чери, вундавны ковтөмторъяс. Сэссия бокъяссө нельлаті вундыштны, суйны вундөминас укроп. Та бөрын пуктыны көдзөдны.

Кольөм укропсө посньөддыны. Лук да чеснок вундавны да жаритны көнтусь вуйөн. Татчө жө содгыны консервируйтөм томат да пражитны. Торъя дозмукө пузытөдз вайөдны уксус да сахар. Виччысьлыны, медым лоис кык пөв этшаджык, а сэссия өтлаавны ставсө да лэдзны пож пыр, содгыны сов-переч да бура көдзөдны.

Медбөрын перйыны холодильникысь дасьтөм скумбрия, мавтны сийөс көнтусь вуйөн, солавны да перечавны, а сэссия суйлыны 15 минут кежлө пөжасян пачө. Перйөм бөрас сөйны пөсьөн да соусын чуньясьмөн.



Рыська пирөг

Колө: 1 ыджыг пань йогурт, 2 кольк, 1 лимонлөн сок, сахар пудра, гырысь сов, пызь, мөс вуй.

Пирөглы костас пуктөм вылө колө: консервируйтөм абрикос, ванилин, фисташки, лимон сок, рыськысь сыр, крахмал, сахар пудра, сахар, нөк, 4 кольк.

Медводз вөчам няньшом. Та вылө өтилаө гудралам пызь, сов, мөс вуй, сахар пудра, кольк, йогурт да лимон сок. Сэссия артмөм няньшомсө кисьтам водзвыв дасьтөм да вяялөм рачө.

Вөчам сідз шусяна начинка. Рыськысь сыр да сахар гудралам өтлавы. Содтам сэтчө кольк, нөк, крахмал, ванилин, лимон сок да бура гудралам. Час кымын пөжалам. Перйөм бөрас бура көдзөдам, а сэссия мавтам вөчөм начинкаөн, мичмөдам абрикосөн да фисташкиөн.

Клөцкиа шыд

Клөцки вөчөм вылө колө: картопель, мөс мус, пызь, болгарскөй переч, сов, манка, 2 кольк.

Шыд вылө колө: пызь, лаврөвөй кор, 2 ыджыдкодь морков, косьтөм петрушка, лук, лыа яй, йөв вылыс, шпик, переч, нөк да паприка.

Медводз вөчам клөцки. Та вылө корнас пуам картопель, көдзөдам, весалам корйысь да лэдзам тертука пыр. Муссө колө мясорубка пыр лэдзны. Сэссия картопель пытшкө пуктам мус, пызь, манка, сов, переч да кольк - вөчам няньшом. Та бөрын вевтям да пуктам көдзөдны.

Мыськам дасьтөм яй да пуктам пузыны. Сэккості мичаа мыськам да жаритам вуйтөг лук, морков, петрушка. Та бөрын артмөмторсө пуктам пуысь яй дорө. Шыд кусөдтөдз оз ков вунөдны пуктыны сэтчө лаврөвөй кор да переч. Та бөрын кйөн торйөддам шпик. Кольөм лук вундалам гөгыльясөн, морков - бедьясөн. Сэссия найөс бура жаритам, содтам сэтчө стөкан джын бульон, пызь да паприка. Шыд пытшкысь перьям яй да градвыв пуктас. Бульонсө сөдзөдам да содтам сэтчө жаритөм лук-морков, нөк, йөв вылыс. Медбөрын холодильникысь перьям няньшом, артмөдам клөцки да 10 минут чөж пуам шыд пытшкын. Со и дась сийө. Виччысьлыны недыр кад, медым шыдыс воас, а сэссия позьө и чөсмасьны.



Цянь-сов!